

昌化縣志卷之二

建置志

城池

正統前舊縣城不載

洪武二十四年指揮桑昭奏請築城次年委千戶俞凱百戶曾安燒磚包砌未完永樂九年倭寇擾亂指揮徐茂重造完固周圍五百八十四丈八尺高一丈八尺梁五百五十五更鋪一十八座敵樓四座城門東曰啟晨南曰寧和西曰鎮海北曰寧武正統乙丑始遷縣治於此池多砥石千戶管成積柴煨之以火

昌化縣志

卷二

城池

一

鎚之以鍊浚濠深五尺濶一丈五尺久圯崇禎二年知縣張三光重修鞏固乙酉颶風傾頽知縣黃立修典史黃嘉慶重修甲午陳武據叛高總督兵恢復城以大壞順治十二年署縣令汪天敏修築未完繼任陸觀光續修康熙五年知縣嚴於屏捐修完固康熙十一年閏七月二十三日風災之後無堅不破知縣高日旦督修雉堞樓閣完固至於康熙二十六年又歷十有餘載久經風雨不無損壞未之能修也康熙三十年閏七月二十五日颶風傾頽雉堞城樓知縣璩之璨典史陳漢捐俸補修完固至道光二十六年

代理知縣烏應昌捐修咸同以後因改建新城而置  
老城於不顧今新城既不可居欲修老城而力又不  
逮徒增守土者之愧怍耳

### 公署

按崇禎四年知縣張三光捐修崇順八年知縣賀登  
瀛於後堂之左建立川堂三間順治十二年署知縣  
姚汭建川堂三間於後堂之右十四年署縣陸觀光  
建寢室於後堂又於大堂之外左右豎造耳房八間  
以便吏書棲役康熙五年知縣嚴于屏建川堂一座  
修飾左右儀門十一年颶風之後崩塌幾盡知縣捐

## 昌化縣志

### 卷二

城池 公署

二

買磚瓦灰石木料建大堂臺基一座大小門扇三十  
餘面至今康熙二十六年又歷一十餘載風雨不無  
頽圯知縣方岱捐修外又於川堂後左右建立寢室  
三間處在昌化狂風之區所創者亦不過稍蔽風雨  
而已康熙三十年閏七月二十五日颶風後署內房  
屋盡行損壞里老公議重修知縣璩之璨嘆口公署  
爾等議修爾等崩塌房屋誰爲爲之修乎吾暫爲修  
葺苟可棲身何必勞吾民以傷財也

土地祠一間在儀門東

典史衙門在正堂左舊前廳瓦屋三間後寢室瓦屋

三間川堂一座颶風之後破落無存典史陳漢自行捐俸創修於縣衙之南草堂三間寢室三間前門一座後厨三間僅蔽風雨棲身而已

教諭署在縣學內明洪武二十二年建

國朝康熙二十三年修

城守署在城中順治十四年建

陰陽學廢

醫學廢

千戶所廢

鎮撫廳廢

昌化縣志

卷二

公署

三

教場在縣東郊外半里許

廳亭廢址存

分司在南門內正街本堂三間南向二門一間頭門

一間西向廢

布政司廢

廣儲倉廢

預備倉廢

馬嶺場在南黎都灶老建廢

河泊所今革

舊城公署久成曠土歷任皆賃民房以居湫隘不堪言狀現邑紳公議修復故仍舊志載之新城建有公

署因水土較惡歷居均稱不便且規模甚狹仍不足  
棲止吏役更無民房可租故仍駐老城而新城日形  
荒圯矣但經營創造歷數十年始告成功壇廟亦皆  
遷往理宜登諸史乘以昭建置云

縣署在新城光緒十年合邑公建

捕署在新城縣署左抱驛圖建

城守署在新城縣署右東西圖建

儒學署

光緒二十三年<sup>益</sup>莅茲土邑紳公議請於老城重

建公署因念無德於民而徒勞吾民心有不忍屬

昌化縣志

卷二

公署

四

姑就新署之木料而移置焉取其價廉而工省也

但邑紳之急公好義歡樂圖成將見大復前規足

以增光邑乘矣

學校志

縣儒學在縣東宋大觀間建於舊縣治之東元至元二十一年署縣呂舉遷於故基之東元貞元年知縣夏雋與達魯花赤撒里蠻教諭張天翼等置祭器大德元年教諭冼藟加修塑

先聖配哲像並創明倫堂至正九年知縣黃半山遷於縣治西南明洪武三年知縣董俊重建十九年知縣范朗建大成殿二十二年知縣沈源建明倫堂及兩齋正統十年遷縣知縣周振改建於守禦所城之南成化十四年典史周斌遷縣東即今學正德七年知州

昌化縣志

卷二

學校

五

陳袞建大成殿知縣殷鐸重修明倫堂十二年知縣藍敏訓導馮鉞重建戟門兩廡大門齋房

黃通志

嘉靖

十年知縣王臣建敬一箴亭二十九年副使朱道瀾重建兩廡齋堂訓導黃鵬重修並造祭器置學田萬曆二十三年知縣伍心臣教諭張大光改建明倫堂於廟西以舊堂爲後街二十七年署知縣崖州訓導韋可觀重建名宦鄉賢祠於大成門兩旁天啟三年知縣王可宗重修聖殿及兩廡戟門崇禎十一年知縣林大志教諭陳學鏘捐修

國朝順治十五年署知縣陸觀光修葺康熙六年知縣嚴

於屏訓導梅憲櫬倡修聖殿及櫺星門並建明倫堂  
修復名宦鄉賢二祠十一年知縣高曰旦捐修聖殿  
及啟聖祠明倫堂兩廡櫺星門並周圍牆垣二十三  
年知縣方岱教諭林應璧訓導陳威捐葺東西二齋  
二十五年奉

旨敬書萬世師表匾額賚 廟懸掛知縣方岱教諭勞吉  
登典史張徽耀貢生文運熙並本籍生員捐資修立  
三十年知縣璩之璨典史陳漢教諭郭勝瓊訓導陳  
威捐修殿廡門牆並製金字匾額諸賢牌位及籩豆  
祭器乾隆元年題准部覆動項修葺

阮通志

昌化縣志

卷二

學校 書院

六

名宦祠在大成門左祀歷代名宦二十三人

詳名宦志

鄉賢祠在大成門右祀歷代鄉賢二人

詳鄉賢志

敬一箴亭久廢

射圖亭

始建未詳久廢

自咸豐七年知縣胥運升移建新城僅存正殿兩廡而  
附祀名宦鄉賢於大成門左右兩廓規模殊形狹隘  
矣

書院

雙溪書院舊志在城內文昌祠左乾隆三十年知縣鄒  
應鳳倡建有學田十五畝四分每年收租錢二十一

千文爲師生脩脯又保平田五十一畝每年所收租息半歸書院以充膏火半歸治平寺爲香火費府志今按治平寺久廢雙溪書院僅存其名咸豐七年知縣胥運升改遷

學宮於新城署左假爲書院有那豪田每歲收租十五千文保平田每歲收租十四千文又乾隆三十八年充公蘆古井地每年納租錢六百五十文又道光年內充公牛角田大小十二坵每年收租五千文歲盡歸書院以爲師生修脯光緒二十年成德堂鋪商韓永良等將蘆古井地以開晒生鹽經邑紳合議將

昌化縣志

卷二

書院 義學

七

成德堂每年出息於十成中抽一成二分歸書院永放生息俟成本後另作合縣義舉本探訪

義學

明

東西廂社學

北岸都社學

英德都社學

抱驛都社學

按舊志成化間社學二今無考四社學亦僅存其名建置年代未詳

國朝康熙三十年知縣璩之璨倡建義學三所今久圯眾圖義學同治十三年知縣吳學儒倡捐例定以十三

排圖每歲每圖差抽出錢三千文爲義學脩脯派十  
三圖輪流設教

成德堂賓興義學光緒二十年鋪商韓永良倡建每  
歲由成德堂生鹽息中抽出錢三十千文爲師生膏  
火係墩頭玉章北黎三處輪流設教週而復始

英德都四更村六德堂賓興義學設於鄉內係光緒  
二十一年附貢生吳趙蔚廩生蒙上標李王棟生員  
董其瑚倪秀彭延年六人合議各將連年課徒脩俸  
捐出本錢三百千文營放生息每歲收利錢六十千  
文爲六德六義二處義學師生脩脯六生輪流設教

週而復始子繼孫繩永爲定例如有後人不堪掌教  
者許另聘請外傅不得分析本錢各有合約

本探訪

光緒二十三年英德都四更村王家祖祠廩生王棟  
集族耆老抽出銅錢一百二十千文以爲王姓義學  
每年收利請師設教令子弟入學攻書不取脩金自  
自後永遠奉行不許廢壞

本探訪

壇廟

社稷壇在城西

風雲 雷雨山川壇在城西南

先農壇在城東

厲壇在城北一里道光十四年裁

旗纛壇失考

城隍廟在城北康熙三十年知縣璩之璨典史陳漢捐

修咸豐七年知縣胥運升遷建新城縣署西北係北

岸下圖建

文廟在新城縣署左咸豐七年知縣胥運升遷係七圖

昌化縣志

卷二

壇廟

九

公建

詳載學宮志

文昌廟在新城文廟左咸豐七年知縣胥運升遷南黎

圖建舊在城南譙樓上乾隆三十年署知縣譚有德

改建大街武廟東今圯

武廟在大街咸豐七年遷新城署右北黎圖建

真武廟在城北譙樓上

萬壽宮在新城城隍廟前光緒十年知縣余汝霖率合

邑公建舊在北城樓

東嶽廟

五嶺廟俱在城西今圯

天后宮在城西小嶺上知縣璩之璨等捐修 按妃莆田人父公愿母王氏宋建隆元年三月二十三日生少長能乘葦渡海嘗浮雲捧足遊於島嶼雍熙四年九月九日昇化嘗朱衣旋舞翩翩飛行水上鄉人於水旱癘疫海警求禱輒應今渡者祭卜方行

峻靈祠一在烏坭港口一在城西北俗稱神山廟光緒十七年臨高縣武舉人王肇元倡首重修 按神於後漢封鎮海廣德王

宋元豐五年七月改封峻靈王東坡有廟碑文載藝文志

國朝光緒二十年八月十八日奉

昌化縣志

卷二

壇廟

十

旨加封昭德王應知縣黃贊勳請

考十國春秋南漢太祖本紀云乾豐元年封峻靈山爲

峻靈王儋州昌化縣山爲鎮海廣德王通志

按東坡記云僞漢之世封其神爲鎮海廣德王元豐五年七月用部使者彭次雲之請詔封山神爲峻靈王今通志引十國春秋封廣德者別是一山非峻靈也並載之以俟識者考證焉府志

都圖

原設一十五里明洪武二十四年裁併九里正統七年併七里天順五年併五里嘉靖二十四年撥僑州抱驛都歸本邑二十五年又撥僑民新安都一新安都二新安都三思馬都今成七都十三圖

英德都三圖 於溪南

東西廂二圖 於溪南

南黎都二圖 於溪南

北黎都一圖 半溪北 半溪南

北岸都二圖 於溪北

昌化縣志

卷二

都圖 墟市

十一

南羅都一圖 於縣北界 近僑州

抱驛都二圖 在縣東北東近 黎北僑州

墟市

東門市 後蛋市 東灣市 萬安市

和樂市 分界市 三水市 新興市

中興市 南門市 南福市 牛漏市

周邨墟 番浦墟 溪頭墟 南山墟

萬陵墟 多輝墟 林邨墟 橫山墟

龍滾墟 蓮塘墟 黃竹墟 草子坡墟

保定墟 黎芎墟 合嶺墟 以上俱本府志增載

南昌街在南羅村東北咸豐七年間成聚今散惟  
村落

烏坭 半散 浪汴 半散 舊縣 半存 耐村 半存

稔村 散 大風車 半存 來南 半存 新村 半存

蛋場 半存 篤村 半存 昌化 散 長山 半存

那等 散 老珠 散 紅草 半存 永安 散

赤坎 二分存 榮村 二分存 附馬 半存 羅員 散

玉章 散 嶺後 散 沙村 散 居侯 半存

三家 半存 四更市 村 墩頭 上下 榮

沙村 北黎市 蘇文

橋渡

拱辰橋在城北七里北岸都明洪武四年知縣董俊建以木今久廢

昌江南渡在城南一里英德都

治平渡在城南五里原設渡夫二名

赤坎河渡即崔公河渡在城東南原有渡船一隻年

久朽壞道光十六年署知縣烏應昌置中艇一隻

設渡夫二名不數年艇吹入海渡夫雇船駕渡取

值甚奢民病涉久之光緒二十三年十二月益置

平底船一隻交篤村民人趙坡鵬麟瑞等領駕渡資畫

一謹載於左以垂永遠

諭爾過渡人等 渡資每人二文

男婦重擔加倍 車轎十錢公平

七都薪力照舊 毋許尅扣減增

定章一體遵照 早晚隨到隨行

倘敢格外勒索 訪聞即掌究懲

亭坊

觀海亭在西門外小嶺上正德初年知縣殷鐸立今廢

申明旌善二亭在縣治大門外左右今廢

觀河亭嘉靖八年指揮崔瀛爲開河建今廢

却今亭士民爲知縣潘世元建今圯

聖域坊

賢關坊

興賢坊爲宋符確建

折桂坊爲宋趙荆建

攀桂坊爲符俊立

昌化縣志

卷二

亭坊

十四

英雄坊爲符進立

折桂坊爲趙勉立

青雲坊爲文中立

楊家坊

寧潮坊

波綠坊

新榮坊

居遠坊

諫垣坊傳爲趙荆符確立但荆確未作諫官惟趙獻  
曾任工垣疑爲獻立也 以上今皆廢

義田二坵在縣南東二十里訓導黃鵬捐俸十二兩置今荒廢

興賢堂宋時爲符確建今圯

寺觀

寧壽寺在縣東

治平寺在南門外五里康熙三十七年知縣陶元淳

建有記今廢

景昌觀九域志唐乾封中置通志

獅子神在城西一石峰在海中形類獅子俗呼爲獅

子神以上俱照府志增入久不可考矣

昌化縣志

卷二

亭坊寺觀瑩墓

十五

瑩墓

趙忠簡公鼎墓在舊縣治東外紀序云嘗觀胡澹庵哭忠簡公詩有一堆黃土寄瓊島千古高明屹太山之句因句中字誤每存疑似然未知的塚所在也治壬戌予避亂適瓊士王國昌朝隆宅夜話及此據國昌稱先年寄學昌化臣臨考夜宿昌化地名趙家村屋後有老叟焚香念經聞吾讀書聲出問所從來老叟不覺於悒下淚詢其所以答曰吾河東解州聞喜縣人宋宰相趙鼎孫也我祖因國事爲秦檜所忌貶崖州身死不得歸葬子孫流落在此聞諸君子書

聲追思我祖不覺下淚耳因指屋後傍山曰此山我祖墳墓在上俗人以爲交趾王墓非也眾聽莫不惻然已乃辭各就寢黎明趨程不及觀其墓竊惟南渡時宋已失中原河東皆爲金人所有忠簡之喪不得歸葬老叟之言必不誣也故記之而吊以詩曰澶淵蹕轍杳難呼南渡乾坤兩手扶竄逐不妨青史路塚迷瓊島未爲孤郡志按史鼎本傳遺命乞歸葬明年得

旨汪應宸傳鼎喪過郡爲文祭之有曰事有定乎蓋棺恩特殊於歸骨衢志載常山石門趙鼎墓翁仲石獸

見存而桐鄉之諭又如此蓋古之名賢墓此數處亦其常也

進士符確墓在居候村南里大塘上